

Na osnovu člana 48. Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona („Službene novine TK“, broj: 17/17 i broj: 10/1-02-031732/17 od 26.12.2017. godine), Ministarstvo obrazovanja, nauke, kulture i sporta Tuzlanskog kantona, donosi

ODLUKU

o utvrđivanju programa polaganja testa stručnog znanja za radno mjesto sekretara u osnovnim i srednjim školama Tuzlanskog kantona

I

Ovom odlukom utvrđuje se program polaganja testa stručnog znanja, po osnovu kojeg će se, shodno odredbama Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona („Službene novine TK“, broj: 17/17 i broj: 10/1-02-031732/17 od 26.12.2017. godine), organizovati i provesti test stručnog znanja za radno mjesto sekretara u osnovnim i srednjim školama Tuzlanskog kantona.

II

Program iz tačke I ove odluke nalazi se u prilogu iste i čini njen sastavni dio.


III

Program iz tačke I ove odluke primjenjuje se u svim konkursnim procedurama prijema u radni odnos sekretara u osnovnim i srednjim školama Tuzlanskog kantona.

IV

Ova odluka stupa na snagu danom donošenja.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja, nauke,
kulture i sporta
Broj: D-10/1-38-031926-17
Tuzla, 28.12.2017. godine

MINISTAR

mr.sci. Zlatan Muratović

PROGRAM POLAGANJA TESTA STRUČNOG ZNANJA ZA RADNO MJESTO SEKRETARA U OSNOVNIM I SREDNJIM ŠKOLAMA TUZLANSKOG KANTONA

1. Termin i mjesto polaganja testa stručnog znanja za radno mjesto sekretara u osnovnim i srednjim školama Tuzlanskog kantona određuje se tekstom konkursa za prijem u radni odnos, koji raspisuje Ministarstvo obrazovanja, nauke, kulture i sporta Tuzlanskog kantona.

2. Propisi koji će se primjenjivati i iz kojih će biti utvrđena pitanja za test stručnog znanja za radno mjesto sekretara su:

a) Zakon o radu („Službene novine FBiH“, broj: 26/16),

b) Zakon o osnovnom odgoju i obrazovanju („Službene novine TK“, broj: 8/15 i 6/16),

c) Zakon o srednjem obrazovanju i odgoju („Službene novine TK“, broj: 17/11, 8/15 i 6/16),

d) Zakon o javnim nabavkama („Službeni glasnik BiH“, broj: 39/14),

e) Zakon o upravnom postupku („Službene novine FBiH“, broj: 2/98 i 48/99).

3. Ukoliko nakon utvrđivanja ovog programa dođe do donošenja novog, odnosno izmjena ili dopuna propisa iz tačke 2. ovog programa, novi propis, odnosno izmjene ili dopune istog postaju sastavni dio ovog programa.

4. Kandidat koji ne pristupi polaganju testa stručnog znanja i koji uspješno ne položi test stručnog znanja gubi pravo učešća u daljnjoj konkursnoj proceduri.

5. Prije pristupanja polaganju testa stručnog znanja kandidat je dužan potpisati pisanu izjavu o pristupanju polaganju istog, koja obavezno sadrži: naziv škole u koju se prijavio, broj lične karte, podatke o organu koji ju je izdao i roku važenja iste.

6. Ukoliko se prijavio za rad na radnom mjestu sekretara u više škola, kandidat polaže jedan test stručnog znanja i isti je u odnosu na broj bodova koji je ostvario mjerodavan ili eliminatoran u svakoj od škola u koje se prijavio.

7. Ukoliko se kandidat prijavio za rad na radnom mjestu sekretara isključivo u jednoj ili više osnovnih škola, polaže test stručnog znanja koji ne sadrži pitanja iz Zakona o srednjem obrazovanju i odgoju („Službene novine TK“, broj: 17/11, 8/15 i 6/16).

8. Ukoliko se kandidat prijavio za rad na radnom mjestu sekretara isključivo u jednoj ili više srednjih škola, polaže test stručnog znanja koji ne sadrži pitanja iz Zakona o osnovnom odgoju i obrazovanju („Službene novine TK“, broj: 8/15 i 6/16).

9. Ukoliko se kandidat prijavio za rad na radnom mjestu sekretara neke od osnovnih i neke od srednjih škola, polaže test stručnog znanja koji sadrži pitanja i iz Zakona o osnovnom odgoju i obrazovanju („Službene novine TK“, broj: 8/15 i 6/16) i iz Zakona o srednjem obrazovanju i odgoju („Službene novine TK“, broj: 17/11, 8/15 i 6/16).

10. Ovaj program primjenjuje se u svim konkursnim procedurama prijema u radni odnos sekretara u osnovnim i srednjim školama Tuzlanskog kantona i sastavni je dio Odluke o utvrđivanju programa polaganja testa stručnog znanja za radno mjesto sekretara u osnovnim i srednjim školama Tuzlanskog kantona (broj: D-10/1-38-031926-17 od 28.12.2017. godine).

**Ministarstvo obrazovanja, nauke,
kulture i sporta Tuzlanskog kantona**